



REPUBLIKA E SHQIPERISE
GJYKATA E RRETHIT GJYQESOR
TIRANE

Nr. 194 Regj. Themeltar
Dt. regjistrimi 04. 07. 2014

Nr. 9844 Vendimi
Dt. Vendimi 27. 11. 2018

V E N D I M
“NE EMER TE REPUBLIKES”

Gjykata e Rrethit Gjyqësor Tirane e përbërë nga :

Gjyqtar : ERVIN POLLOZHANI

asistuar nga sekretare gjyqesore **Lusjana Fezollari**, sot me date **27. 11. 2018**, shqyrtoi ne seance gjyqesore publike, çeshtjen civile-tregtare me **Nr. 194 Regj. Themeltar**, qe i perket:

KERKUES:

SUBJEKTI HUAMARRES “GLOBAL FOODS NE ADMINISTRIM”, e perfaqesuar nga znj. Lindita Kikino, e liçensuar nga Ministria e Drejtësisë me Nr 12 Liçence, me cilesine e Administratores se Falimentimit, me adrese Rruga “Jordan Misja”, pallati Sara-El, Shk. 1/1 Tirane.

OBJEKTI:

Mbyllje e procedures se falimentimit te shoqerise “Global Foods ne Administrim”.

BAZA LIGJORE:

Ligji Nr. 8901 dt. 23. 05. 2002 “Per falimentimin”, i ndryshuar, Neni 163 i tij.

Gjykata pasi administroi provat, degjoi konkluzionet perfundimtare te administratores se falimentimit Lindita Kikino, e cila kerkoi *mbylljen e procedures se falimentimit per shkak te shperndarjes se te ardhurave kreditoreve te falimentimit*, si dhe e shqyrtoi çeshtjen ne teresi, ne perfundim te saj,

VEREN:

Se, me Vendim të Këshillit të Ministrave Nr. 325 dt. 22. 08. 1997 “Për caktimin e personave juridikë që do t’i nënshtrohen dispozitave të Ligjit Nr. 8227 dt. 30.07.1997 “Për disa shtesa dhe ndryshime të Ligjit Nr. 8215 dt. 09. 05. 1997, me urdhër të Ministrit të Financave Nr. 8077 dt. 18. 05. 2012, bazuar në ligjin Nr. 41 dt. 12.04.2012 “Për afatet dhe procedurat e mbylljes së procesit të kontrollit financiar të personave juridikë jobankarë që kanë marrë hua nga publiku i gjerë”, subjekti “Global Foods” është marrë në administrim nga administratori z. Bajram Malaj. Ky subjekt (shoqeria Global Foods) sipas

pretendimeve të kërkuarit, e ka mbaruar procesin e administrimit dhe për këtë arsye, në bazë të Ligjit Nr. 8901, dt. 23.05.2002 « Per falimentimin » i ndryshuar dhe Ligjit Nr. 41/2012 dt. 02.04.2012 " Për afatet dhe procedurat e mbylljes së procesit të kontrollit financiar të personave juridikë jobankarë që kanë marrë hua nga publiku i gjerë", kërkuari i është drejtuar gjykatës duke kërkuar shpalljen e falimentimit të saj.

Ky subjekt rezulton të ketë ushtruar veprimtarinë e huamarrjes publike me qëllim rikthimin e vlerave monetare huamarresve perkundrejt interesave. Venia e këtij subjekti nën administrimin dhe kontrollin shtetëror kishte për qëllim verifikimin paraprakisht të gjendjes financiare, administrimin e pasurisë dhe kthimin e vlerave monetare huamarresve.

Pas një procesi të gjatë të administrimit shtetëror sipas akteve ligjore dhe nenligjore specifike, shteti shqiptar përmes miratimit të ligjit Nr. 41/2012 "Per afatet dhe procedurat e mbylljes së procesit të kontrollit financiar të personave juridikë jobankarë që kanë marrë hua nga publiku i gjerë" vendosi shpërndarjen e Grupit Mbikqyres të subjekteve të kontrollit dhe dorezimin e gjithë dokumentacionit arkivor dhe asetëve financiare personit të ngarkuar nga Ministria e Financave. Njekoheresisht u vendos emerimi i një administratori për administrimin e metejshëm të subjekteve të kontrollit deri në likuidimin e plotë të tyre, duke akorduar dhe një buxhet limit për mbulimin e shpenzimeve të administrimit dhe likuidimit.

Administratori i emëruar nga Ministri i Financave detyrohej të evidentonte gjendjen reale të pasurive të shoqërisë dhe të paraqiste në gjykatë kërkesat për çeljen e procedurave të falimentimit në rast se ekzistonin kushtet ligjore.

Sa me sipër sanksionohet në nenet 1, 3 dhe 4 të ligjit nr 41/2012 "Per afatet dhe procedurat e mbylljes së procesit të kontrollit financiar të personave juridikë jobankarë që kanë marrë hua nga publiku i gjerë": "Grupi Mbikqyres i emëruar dhe që ka funksionuar në përputhje me ligjin Nr. 8215, dt 09. 05. 1997 Per kontrollin financiar të personave juridikë jobankarë që kanë marrë hua nga publiku i gjerë", shpërndahet. (neni 1).

"Per administrimin e metejshëm të subjekteve të kontrollit deri në likuidimin e plotë të tyre Ministri i Financave emëron një administrator me një staf ndihmes si dhe përcakton një limit buxhetor vjetor nga të ardhurat e subjektit të kontrollit për mbulimin e shpenzimeve të administrimit/likuidimit" (neni 3).

Administratori brenda 6 muajve nga hyrja në fuqi e këtij ligji duhet : a) të raportojë Ministrisë të Financave gjendjen reale të pasurive të shoqërisë, subjekte të kontrollit, nëpërmjet një raporti të hollësishëm, të shoqëruar me pasqyrat financiare të vitit me të fundit ushtrimor për secilin shoqëri administrimi; b) të depozitojë në gjykatë kërkesat për faliment të të gjitha shoqërive, subjekte të kontrollit të marra në administrim ... "(neni 4).

Referuar kuadrit të mesipër ligjor administratori i subjekti huamarres "Global Foods në administrim" (z.Bajram Malaj) ka paraqitur pranë Gjykatës së Rrethit Gjyqësor Tiranë kërkesën për çeljen e procedurës së falimentimit për këtë subjekt kontrolli.

Paraprakisht gjykata duke marrë në konsideratë kërkesat procedurale të nenit 16 të K. Pr. Civile, i cili sanksionon se: "Gjykata zgjidh mosmarrevezhjen në përputhje me dispozitat ligjore dhe normat e tjera në fuqi, që janë të detyrueshme të zbatohen prej saj" arriti në konkluzionin se, kuadri i posaçëm ligjor që ka sanksionuar fillimin e procedurave të falimentimit të subjekteve huamarrese përmes paraqitjes së kërkesave në gjykatë nuk ka përcaktuar procedura të veçanta për këtë proces, ç'ka orienton vendimmarrjen gjyqësore në zbatimin e dispozitave të ligjit Nr. 8901, dt 23. 05. 2002 "Per falimentimin" ndryshuar me ligjin Nr. 9919, dt. 19. 05. 2008 (ligji i kohës kur është paraqitur kërkesa).

Sa me sipër, pasi ka administruar provat e paraqitura ne gjykim nga administratori i subjektit "Global Foods ne administrim", ne raport me pasurite dhe detyrimet e ketij subjekti kundrejt te treteve (kreditoreve) gjykata mori ne shqyrtim dispozitat e meposhtme te ligjit "Per falimentimin":

Neni 13/1 i ligjit nr 8901, dt 23. 05. 2002 "Per falimentimin" (i ndryshuar) parashikon : 1. *Procedura e falimentimit hapet vetem me shkak.* 2. *Gjendja e paaftesise paguese perben shkak te pergjithshem per hapjen e procedures se falimentimit. Debitori vleresohet i paaftë per te paguar nese nuk eshte ne gjendje te paguaje detyrimet ne daten e maturimit. Paaftesia paguese prezumohet se ekziston nese debitori nuk kryhen pagesat...* 4. *Mbingarkesa me borxhe perben shkak per hapjen e procedures se falimentimit ne rastin e nje personi juridik. Debitori ndodhet ne gjendjen e mbingarkeses me borxhe kur vertetohet se pasurite e tij nuk mbulojne detyrimet ndaj te treteve dhe ne baze te rrethanave pas vleresimit te pasurive te debitorit nuk eshte me mundesia per vazhdimesine e veprimtarise.."*

Neni 14/1 i ligjit nr 8901, dt 23.05.2002 "Per falimentimin" (i ndryshuar) sanksionon: "1. *Procedura e falimentimit hapet vetem me kerkesen e debitorit ose kreditoreve. Ne rastin e personave juridike procedura e falimentimit mund te hapet edhe me kerkesen e organeve tatimore kur rezulton nje bilanc me humbje per nje periudhe tre vjecare.*

Neni 15 i ligjit nr 8901, dt 23.05.2002 "Per falimentimin" (i ndryshuar) parashikon : "Drejtoret, zyrtaret, ortaket apo aksioneret e shoqerise ndaj te ciles eshte hapur procedura e falimentimit, se bashku me kerkesen per hapjen e procedures se falimentimit ose menjhere pas dorezimit te saj duhet te paraqesin: a) listen e pasurive dhe te ardhurave se bashku me nje deklarate ku te shenohet vlere e cdo sendi dhe fakti nese ky send eshte perdorur ose eshte ngarkuar me barre si i tille; b) listen e kreditoreve me emrat, adresat dhe shumat qe perbejne detyrimin perkates ndaj tyre;

2. *Dokumentacioni duhet te permbaje dhe nje deklarate permes se ciles vertetohet se permbajtja e dokumentave te mesiperm eshte e plote dhe e sakte".*

Neni 14/1 i ligjit nr 8901, dt 23.05.2002 "Per falimentimin" (i ndryshuar) sanksionon : "Seksioni tregetar i gjykates se rrethit brenda afateve te treguara ne piken 3 te ketij neni vendos : c) pranimin e kerkeses dhe hapjen e procedurave te falimentimit".

Neni 26 i ligjit nr 8901, dt 23.05.2002 "Per falimentimin" (i ndryshuar) parashikon : "1. *Seksioni tregetar i gjykates se rrethit vendos hapjen e procedures se falimentimit kur cmon se jane shkaqet dhe kushtet e parashikuara ne kete ligj per hapjen e procedures se falimentimit.* 2. *Vendimi perhapjen e procedures se falimentimit permban : a) emrin, mbiemrin dhe vendbanimin e debitorit ne rastin e personave ose emrin, llojin e veprimtarise dhe seline ne rastin e eprsonave juridike. b) emrin, mbiemrin dhe adresen e administratorit te falimentimit; c) oren e sakte kur eshte hapur procedura e falimentimit. c) te dhenat e parashikuara ne nenin 27 dhe 29 te ketij ligji; d) urdherimin e detyrimit te publimit te vendimit ne internet, ne faqen zyrtare te gjykates, te Qendres Kombetare te Rregjistrimit dhe te organit tatimor perkates.* 4. *Se bashku me hapjen e procedures se falimentimit seksioni tregetar i gjykates se rrethit vendos emerimin e administratorit te perkohshem te falimentimit".*

Ne analize te kushteve ligjore qe determinojne celjen e procedures se falimentimit gjykata vleresoi si me poshte vijon :

Procedura e falimentimit ne thelb perfaqeson procesin e likuidimit te nje subjekti qe ndodhet ne kushtet e paaftesise paguese apo mbingarkeses se tij me borxhe. Kjo procedure ka per qellim likuidimin e subjektit nese gjykohet se shitja e pasurive te tij do te jete me perfitim per kreditoret ose krijimin e nje plani shendetesimi per kete subjekt ne rast se konkludohet se nje veprim i tille eshte i mundur.

Fillimi ne rruge gjyqesore i procedures se falimentimit realizohet vetem ne kushtet e ekzistences se shkakut te falimentimit, i konceptuar si : a) *gjendje e paaftësisë paguese te subjektit qe i drejtohet kerkesa per falimentim ose*; b) *mbingarkeses se subjektit me borxhe*.

Legjitimimin aktiv per iniciimin e procedurave gjyqesore te falimentimit e gezon kreditori, debitori, sikurse rezulton ne rastin objekt gjykimi si dhe organet tatimore, ne rast konstatimi te humbjeve ne bilanc te subjektit per nje periudhe fiskale tre vjecare.

Në rastin konkret, duke qenë se pala kërkuese është vetë përfaqësuesi ligjor i subjektit të së drejtës në gjendje të paaftësisë paguese, gjykata çmon se përfaqësuesi ligjor i kësaj shoqërie, legjitimohet t'i drejtohet gjykatës për të kërkuar shpalljen e falimentimit të saj.

Pala kërkuese pretendoi në gjykim se shoqëria "Global- Foods" shoqëri ne administrim, ishte e përfshirë në administrim si pjesë e shoqërive huamarrëse që kanë marrë hua nga publiku i gjerë. Kjo shoqëri ka kaluar në administrim me Vendim të Këshillit të Ministrave Nr. 325 dt. 22.08.1997 "Për caktimin e personave juridikë që do t'i nënshtrohen dispozitave të Ligjit Nr. 8227 dt. 30.07.1997 "Për disa shtesa dhe ndryshime të Ligjit Nr. 8215 dt. 09.05.1997. Me urdhër të Ministrit të Financave Nr. 8077 dt. 18.05.2012, bazuar në ligjin Nr. 41 dt. 12.04.2012 "Për afatet dhe procedurat e mbylljes së procesit të kontrollit financiar të personave juridikë jobankarë që kanë marrë hua nga publiku i gjerë", subjekti është marrë në administrim nga administratori Bajram Malaj. Subjektit juridik i ishte kryer procesi i administrimit nga administratori i shoqërive huamarrëse, ishte në gjendjen e paaftësisë paguese e në këto kushte, referuar dispozitës së sipërcituar, kjo shoqëri duhet të kalonte në falimentim.

Situata e shoqërisë huamarrëse "Global Foods" shoqëri në administrim është jo e zakonshme, provuar kjo me faktin se kjo shoqëri ka patur si veprimtari të sajën marrjen hua nga publiku i gjerë. Në këto kushte, edhe detyrimet e saj si rezultat i drejtperdrejte i kësaj veprimtarie, janë ndaj publikut te gjere. Sipas bilancit të paraqitur nga shoqëria, detyrimi i përket pjesës së palikuiduar të kreditorëve, sipas koeficientit të përcaktuar nga VKM Nr. 163 dt. 30.04.2000 dhe ky detyrim është në shumën 1. 150. 793 lekë. Likuiditeti që shoqëria zotëron në dt. 31. 12. 2012 sipas ekspertës së caktuar nga gjykata, është i mjaftueshëm për të shlyer detyrimin ndaj kreditorëve të mbetur.

Një fakt i tillë provohet me anë të akteve shkresore bilance financiare viti 2011 dhe 2012 si dhe listës së kreditorëve, të administruara në gjykim me cilësinë e provës.

Me qellim hetimin e ekzistences se shkakut te falimentimit gjykata caktoi ne cilesine e administratorës se perkohshme te falimentimit zj. Lindita Kikino.

Administratorja e përkohshme, pasi u njoh me të gjithë dokumentacionin e paraqitur në Gjykatë nga pala kerkuese si dhe me detyrat e lëna nga gjykata, paraqiti një raport me dt. 15. 10. 2013.

Në këtë raport të administratorës së përkohshme të falimentimit konkludohet sa më poshtë vijon se:

Referuar shifrave të pasqyruara në bilancin e shoqërisë, detyrimet e subjektit janë më të mëdha se sa të drejtat e saj. Ndryshimi i vetëm në rastin konkret është se pavarësisht shifrës së detyrimeve që është e përcaktuar në bilance, këto detyrime nuk shlyhen më, pasi shlyerja e tyre është bërë në zbatim të VKM Nr. 163 dt. 30. 04. 2000. Sipas përfundimeve të arritura nga ekspertja, shoqëria huamarrëse nuk është e mbingarkuar me borxhe, pasi detyrimi i mbetur për një pjesë të kreditorëve, arrin të përballohet nga likuiditeti që shoqëria zotëron në fund të periudhës 31. 12. 2012. Kjo shoqëri nuk ka asete të saj sepse ato janë shitur në zbatim të Ligjit Nr. 41/2012dt. 12. 04. 2012 dhe ka 22 kreditorë të palikuiduar.

Sipas ekspertës kontabël, shoqëria "Global- Foods" shoqëri në administrim, nuk ka nevojë as për vlerësim asetesh, as për sigurim të pasurisë dhe as për shitje të tyre. Shpenzimet e falimentimit për këtë shoqëri janë minimale dhe likuiditeti që ajo zotëron, i përballon këto shpenzime.

Në këto kushte, pretendimi i ngritur nga pala kërkuese lidhur me plotësimin e kushteve të falimentimit për këtë shoqëri, është i mbështetur në ligj e në prova sepse:

-Përcaktimet e nenit 13 të Ligjit Nr. 8901 dt. 23. 05. 2002 "Për falimentimin" i ndryshuar, nuk merren parasysh për shoqërinë "Global Foods" në administrim, sepse falimentimi i shoqërisë ka ndodhur në fakt dhe procedura e falimentimit që do të kryhet, është në zbatim të Ligjit Nr. 41/2012 dt. 12. 04. 2012, neni 4 pika b e tij.

Neni 4 i Ligjit Nr. 41/2012 dt. 12.04.2012 "Për afatet dhe procedurat e mbylljes së procesit të kontrollit financiar të personave juridikë jobankarë që kanë marrë hua nga publiku i gjerë" parashikon se:

Administratori, brenda 6 muajve nga hyrja në fuqi e këtij ligji, duhet:

a) t'i raportojë Ministrit të Financave gjendjen reale të pasurive të shoqërive, subjekte të kontrollit, nëpërmjet një raporti të hollësishëm, të shoqëruar me pasqyrat financiare të vitit më të fundit ushtrimor për secilën shoqëri në administrim;

b) të depozitojë në gjykatë kërkesat për faliment të të gjitha shoqërive, subjekte të kontrollit, të marra në administrim;

c) të përgatisë dokumentacionin për shitje të të gjitha asetëve të paluajtshme dhe ta dërgojë në Njësinë që merret me Administrimin dhe Shitjen e Pronave pranë Ministrisë së Financave..

Në lidhje me verifikimin e faktit nëse pasuritë e shoqërisë mbulojnë shpenzimet e falimentimit (të përcaktuara si të tilla në nenin 37 të Ligjit 8901, dt.23.05.2002 "Për falimentimin"), administratorja e perkohshme vëren se referuar gjendjes së likuiditetit të shoqërisë dhe mjetet monetare që kjo shoqëri zotëron, shpenzimet e falimentimit janë minimale dhe përballohen nga ky likuiditet.

Duke qenë se kërkesa për falimentimin e shoqërisë "Global-Foods" është mbështetur në Ligjin Nr. 41/2012 dt. 12. 04. 2012 "Për afatet dhe procedurat e mbylljes së procesit të kontrollit financiar të personave juridikë jobankarë që kanë marrë hua nga publiku i gjerë" si dhe referuar faktit se kriteret e këtij ligji rezultojnë të jenë plotësuar për kërkuetin në këtë gjykim, gjykata ka çmuar se kërkesa e paraqitur është e mbështetur në ligj e në prova e si e tillë duhet pranuar, duke vendosur hapjen e procedurës së falimentimit për shoqërinë "Global- Foods" shoqëri në administrim.

Në këto mënyra pasi konfirmoi ekzistencën e shkaqeve ligjore për çeljen e procedurës së falimentimit gjykata me vendimin Nr. 10615, dt. 25. 10. 2013 vendosi :

1. Pranimin e kërkesës .

2. Hapjen e procedurës së falimentimit për shoqërinë "Global- Foods" shoqëri në administrim, regjistruar me vendimin Nr.15992 dt. 11.06.1996 të Gjykatës së Rrethit Gjyqësor Tiranë, me NIPT Nr.J62208003U, me përfaqësues ligjor Gani Shehu.

3. Emërimin si administratore e perkohshme e falimentimit e ekspertës kontabël të autorizuar Znj. Lindita Kikino, me Nr. Liçence 12, dt. 15 tetor 2012.

4. Të gjithë kreditorët e shoqërisë kanë të drejtë të paraqesin brenda 90 ditëve nga shpallja e këtij vendimi, të gjitha pretendimet e tyre tek administratorja e falimentimit duke i njoftuar asaj pretendimet dhe të drejtat e siguruara që kanë mbi pasuritë e personit të tretë në këtë gjykim.

5.Një kopje e këtij vendimi, duhet t'i dërgohet Qendrës Kombëtare të Regjistrimit të Bizneseve, të publikohet në adresën zyrtare në internet të këtij institucioni, në adresën zyrtare në internet të Gjykatës së Rrethit Gjyqësor Tiranë, pranë palës kërkuese në këtë gjykim dhe duhet të regjistrohet në të gjitha

regjistrat e tjerë ku janë të regjistruara të drejtat e debitorit shoqërisë "Global Foods" shoqëri në administrim.

Referuar nenit 26/4 të Ligjit "Për Falimentimin" gjykata ka çmuar me tej se administrator i falimentimit për kërkuesin do të caktohet ekspertja kontabël e autorizuar Lindita Kikino, në mbështetje të nenit 43 të Ligjit të sipërcituar.

Ne respektim të vijimesise se procedures se falimentimit per sa i perket percaktimeve ligjore te bera, rezulton e provuar se, pavaresisht disponimeve te bera ne vendimin Nr. 10615, dt. 25. 10. 2013, lidhur si me bledhjen per raportim ashtu dhe me mbledhjen per verifikim, nje gje e tille per kete shoqeri dhe sipas shpjegimeve te administratores se falimentimit nuk ka ndodhur per shkak se kreditorët e shoqerise ne administrim si dhe vlerat e kredise se tyre u moren te mirqene sipas listes se paraqitur nga z. Bajram Malaj, administrator i shoqerive huamarrese ne administrim. Po keshtu nuk u arrit te krijohej as Komiteti i Kreditoreve.

Nga dokumentat e depozituara ne gjykate ndodhej lista prej 21 kreditorësh, liste qe i referohej gjendjes se tyre ne daten 01. 12. 2008. Ne listen e depozituar ne gjykate pervec te dhenave emer, mbiemer, shumat perkatese, numri i kontrates, nuk kishte asnje te dhene tjeter. Duke qene se nuk disponohej asnje adrese kontakti per keta kreditorë, nuk u be e mundur lajmerimi i tyre vec e vec. Shuma per çdo kreditor ishte e percaktuar pas shperndarjes se kryer sipas VKM Nr. 163 date 13. 04. 2000 "Per shperndarjen me koeficient pjesor te vlerave financiare kreditorëve te shoqerise Global-Foods shpk ne administrim".

Megjense nuk kishte asnje informacion per kreditorët, njoftimi i tyre ishte i pamundur, per rrjedhoje nuk eshte caktuar komitet kreditorësh, nuk u zhvillua mbledhje kreditorësh dhe nuk u paraqiten pretendimet nga keta kreditorë. Si liste perfundimtare pretendimesh u mor lista qe u administrua nga gjykata ne momentin e depozitimit te kerkeses nga shoqeria mbikqyrese e shoqerive qe kishin marre hua nga publiku i gjere.

Per njoftimin e 21 kreditorë sipas listes, per te terhequr shumat respektive jane bere njoftime ne shtypin e perditshem Gazeta Telegraf 3 here, per 3 dite rresht ne periudha te ndryshme, konkretisht ne datat 11, 12, 15 Korrik 2014; 15, 16, 17 Tetor 2014; 05, 06, 07 Shkurt 2015.

Ne fillimin e procedures se falimentit, pas njoftimeve te bera, Banka Credins ku ndodhej e depozituar shumat per efekt shperjdarje te kreditorëve, njoftoi qe nje nga kreditorët e listes perfundimtare e kishte marre shumen qe i takonte dhe kreditori ishte znj. Zhaneta Trosha.

Gjate procesit te falimentit u realizua njohja nga ana e Gjykates se Rrethit Gjyqesor Tirane, te 4 kreditorë te rinj dhe konkretisht: z. Baftjar Zylali, z. Dalip Pirjasi, z. Halil Kollcaku dhe z. Shkelqim Suli.

Gjate periudhes jane bere terheqje nga 6 kreditorë, 4 te rinj te njohur gjate procedures se falimentit dhe 2 nga lista ekzistuese, ç'ka beri qe lista nga 21 kreditorë te mbetej ne 19 kreditorë.

Per te bere te mundur njoftimin e kreditorëve, duke qene se nuk ekzistonin adresa per kreditorët e shoqerise, u mundesua komunikimi me Drejtorine e Pergjithshme te Gjendjes Civile per te gjetur adresat e kreditorëve duke u paraqitur nga kjo e fundit me shkresen Nr. 471/1 Prot. date 09. 07. 2015 informacioni per adresen e 7 kreditorëve, te cileve ju be njoftimi individual dhe konkretisht: Fatos Zyberi, Gezim Mucogllava, Hysmet Elmazaj, Pandeli Zahara, Sazan Katillari, Sokol Hermeraj dhe Ylli Hasanbelliu. Por edhe per keta 7 kreditorë te cileve adresa ju be e mundur nga komunikimi me Drejtorine e Pergjithshme e Gjendjes Civile, Posta Shqiptare ktheu 4 njoftime per adrese te shkurter, pra dhe adresat e vena ne dispozicion nga DPGJCivile nuk rezultuan te plota.

Gjithashtu per te realizuar njoftimin e kreditorëve, duke qene se shumica e tyre ishin nga Qarku i Beratit, u be njoftimi ne median lokale "TV Onufri" media audio-vizive e qarkut. Pas njoftimit ne TV

Onufri u be e mundur likujdimi edhe i 5 kreditore te tjere, te cilet ishin: Agim Toska, Gezim Mucogllava, Myrteza Mucolli, Pandeli Zahara dhe Sadije Arapi.

Nderkohe qe nje problem i kosntatuar ishte fakti qe rezultuan te ishin 5 kreditore me te njejtin emer dhe mbiemer qe e bente te pamundur identifikimin e tyre. Per kete qellim u kerkua perseri informacion nga Drejtoria e Pergjithshme e Gjendjes Civile per kete kategori kreditoresh, ku u be e mundur venia ne dispozicion e adresave per 2 prej tyre, me shkresen Nr. 6864/1 Prot. date 24. 10. 2016, qe jane shtetasit: Kastriot Nako dhe Ylli Dyrmishi. Per keta 2 kreditore u be njoftimi i vecante por deri ne momentin e raportit perfundimtar si dhe deri ne mbylljen e kesaj procedure, nuk pati asnje reagim nga ana e tyre.

Jane zhvilluar disa seanca prane gjykates per te dhene informacion per ecurine e procedures se falimentimit dhe problematikat e dala prej saj, ku ne komunikimin e fundit me Drejtorine e Pergjithshme te Gjendjes Civile, u desh nderhyrja e gjykates per te bere te mundur dhenien e informacionit per kreditoret qe ishin me te njejtin emer dhe mbiemer.

Korespondenca me Drejtorine e Pergjithshme te Gjendjes Civile ishte faza e fundit me te cilen te mund te njoftoheshin efektivisht kreditoret pasi sa me siper jane ezauruar te gjitha opsionet e mundshme te komunikimit me ta.

Me vendimin Nr. 268 Akti, dt. 03. 03. 2017 Gjykata e Rrethit Gjyqesor Tirane miratoi shperblimin per administratoren e falimentimit Lindita Kikino ne masen 241. 210 leke dhe rimbursimin e shpenzimeve te kryera per proceduren e falimentimit ne shumen 4. 040 leke ne baze te nenit 50, 51 dhe 52 te ligjit "Per falimentimin" dhe VKM Nr. 197 dt. 13. 04. 2007 "Per kushtet dhe kriteret e percaktimit te mases se shperblimit dhe shpenzimet e administratorit te falimentimit" : *"1. Administratorja e falimentimit ka te drejten e shperblimit per punen e kryer dhe rimburesimin e shpenzimeve te bera gjate permbushjes se detyres. 2.Masa e zakonshme e shperblimit vendoset ne baze te vleres se mases se falimentimit ne kohen e perfundimit te procedures se falimentimit. 3.Masa e zakonshme e shperblimit vleresohet ne varesi te vellimit dhe shkalles se veshtiresise gjate ushtrimit te detyres se administratorit se falimentimit" (neni 50) "Seksioni tregetar i gjykates se rrethit percakton me vendim shperblimin dhe shpenzimet qe duhet ti rimburesohen administratorit te falimentimit.*

Vendimi i seksionit tregetar te gjykates se rrethit me perjashtim te shumes se parashikuar duhet te shpallet publikisht dhe ti njoftohet personalisht administratorit se falimentimit, debitorit, anetareve te komitetit te kreditoreve nese eshte emeruar prej tyre. Ne vendimin e seksionit tregetar te rrethit te shpallur publikisht duhet te vihet ne dukje se teksti i plote i vendimit gjendet ne sekretarine e seksionit tregetar te gjykates se rrethit.....(neni 51).

Shperblimi i adminstratores se falimentit eshte llogaritur ne vleren 10 % te mases se falimentimit sipas VKM nr 197,dt 13.04.2007. Ndersa shpenzimet e mases se falimentimit sipas zerave respektive te pasqyruara ne vendimin e Gjykates se Rrethit Gjyqesor Tirane vertetohen nga faturat tatimore te administruara ne dosjen gjyqesore.

Nga moment i miratimit te shpenzimeve e me pas nuk pati asnje interesim nga kreditoret e kesaj shoqerie. Perfundimisht lista e kreditoreve te pa likujduar, perbehet nga 14 kreditore ne shumen totale 786. 905 leke konkretisht: Ardian CAKALLI 78.750 leke; Fatos ZYBERI 43.050 leke; Gani DERVANI 31.500 leke; Hysmet ELMAZAJ 31.500 leke; Kaliopi GJEZA 31.500 leke; Madile KUBE 31.500 leke; Mexhit FENO 35.875 leke; Kastriot NAKO 58.590 leke; Rrape VANI 143.500 leke; Sali TOSKA 31.500 leke; Skender QEVANI 57.400 leke; Sokol HERMERAJ149.240 leke; Ylli HASANBELLI 31.500 leke; Ylli DYRMISHI 31.500 leke.



Faza e fundit ne kete procedure falimentimi ishte procedura e kalimit te shumes qe ndodhej ne llogarine e shoqerise ne nje llogari te thesarit prane Ministrise se Financave, kjo ne referencim te nenin 7 te ligjit 41/2012 date 12. 04. 2012 "Per afatet dhe procedurat e mbylljes se procesit te kontrollit financiar te personave juridike jobankare qe kane marre hua nga publiku i gjere" ku thuhet se: *"fondet qe jane te depozituara ne banken e nivelit te dyte, e cila po realizon pagesat e kreditorëve te shoqerive, do te jene ne dispozicion te ketyre te fundit per nje periudhe 5 vjecare nga hyrja ne fuqi e ketij ligji. Pas ketij afati, te gjitha mjetet monetare te paterhequra do te depozitohen ne nje llogari te vecante, te hapur nga Ministria e Financave, ne nje banke te nivelit te dyte"*. Rezulton se ne muajin Prill te vitit 2017 eshte plotesuar afati 5 vjecar sipas ligjit 41/2012 date 12.04.2012, prandaj dhe duhej bere kalimi ne nje llogari te vecante te hapur nga Ministria e Finances.

Sa me siper parashtrohet ne raportin e administratorës se falimentimit, te cilit i bashkelidhen informacionet e percjella nga Banka Credins sh.a. Administratorja e falimentimit i eshte drejtuar Ministrise se Financave dhe Ekonomise per hapjen e nje llogarie bankare per depozitim e shumave te paterhequra nga kreditorët. Me shkresen Nr. 11917/1 Prot. dt. 15. 10. 2018 te Ministrit te Financave eshte miratuar hapja e llogarise ne leke.

Gjykata e Rrethit Gjyqesor Tirane me vendimin dt. 17. 10. 2018 vendosi te pranoje kerkesen e administratorës se falimentimit dhe te urdheroje depozitim prane Bankes Credins sh.a ne Nr. e llogarise 00000589004 te celur ne emer te Ministrise se Ekonomise dhe Financave te shumes se paterhequr nga kreditorët e subjektit ne falimentim Global Foods" ne shumen 564, 703. 11 leke ne baze te nenit 161 te ligjit "Per falimentimin": *"Shumat qe jane mbajtur gjate shperndarjes perfundimtare depozitohen ne nje agjensi te pershtatshme me miratimin e seksionit tregetar te gjykates se rrethit, per llogari te paleve pjesemarrëse"*.

Ne daten 23. 10. 2018 eshte bere kalimi i shumes 564. 703, 11 leke ne llogarine me numer 1127489 prane Credins Bank.

Me shperndarjen e mases se falimentimit dhe depozitim e shumave te paterhequra ne Banken Credins sh.a administratorja e falimentimit paraqiti nje raport perfundimtar ne lidhje me llogarite e procedures se falimentimit, ku u paraqit njekohesisht dhe mandati qe verteton depozitim e shumave te paterhequra nga kreditorët si dhe gjithë akteve te tjera te mbajtura gjate kesaj faze te procedures te cilat u administruan si te tilla.

Diskutimi i llogarive perfundimtare te procedures se falimentimit ne mbledhjen perfundimtare te kreditorëve bazohet ne nenin 160 te ligjit "Per falimentimin": *"1. Kur jepet pelqimi per shperndarjen perfundimtare seksioni tregetar i gjykates se rrethit percakton afatin per nje mbledhje perfundimtare te kreditorëve. Gjate mbledhjes : a) diskutohen llogarite e paraqitura nga administratori i falimentimit; b) verejtje ndaj listes perfundimtare; c) vendosin per sendet qe jane pjese e mases se falimentit dhe te papershtatshme per shitje"*.

Shperndarja e mases se falimentimit dhe mbajtja e mbledhjes perfundimtare te kreditorëve perben momentin fundor juridik dhe financiar te procedures se falimentimit, e cila pasohet nga vendimi gjyqesor per mbylljen e procedures se falimentimit konform nenit 163 te ligjit "Per falimentimin": *"Sapo te jete kryer shperndarja perfundimtare seksioni tregetar i gjykates se rrethit vendos mbylljen e procedures se falimentimit. Vendimi dhe shkaku i mbylljes shpallen publikisht"*.

Procesi i falimentimit i subjektit huamarres Global Foods konkludoi ne formen e likujdimit, ku e vetmja pasuri ne trajten e likuiditeteve u shpernda mes kreditoreve, nga te cilet nje pjese e tyre paraqiten interes per terheqjen e vlerave monetare takuese.

Ne kete menyre i gjithë operacioni juridik dhe financiar i falimentimit i realizuar ne perputhje me dispozitat e ligjit "Per falimentimin", nen drejtimin e administratorit te falimentimit dhe nen mbikqyrjen e gjykates, realizoi qellimin final te sanksionuar ne nenin 1 te ligjit shlyerjen ne menyre kolektive te detyrimeve te debitorit nepermjet likujdimit te pasurive te tij dhe shperndarjes se te ardhurave kreditoreve.

Ne perfundim gjykata vendosi mbylljen e procedures se falimentimit te subjektit huamarres "Global Foods" ne administrim.

PER KETO ARSYE:

Ne baze te neneve 126, 306-309 te K. Pr. Civile dhe Nenit 163 te ligjit "Per falimentimin", gjykata,

VENDOSI:

1. Mbylljen e procedures se falimentimit te subjektit huamarres "Global-Foods" ne administrim.
2. Nje kopje e vendimit per mbylljen e procedures se falimentimit te subjektit huamarres "Global-Foods" ne administrim t'i komunikohet Ministrise se Financave dhe Ekonomise.
3. Nje kopje e vendimit per mbylljen e procedures se falimentimit te subjektit huamarres "Global-Foods" ne administrim t'i komunikohet administratores se falimentimit Lindita Kikino dhe Agjencise se Mbikqyrjes se Falimentit.
4. Urdherohet publikimi i vendimit per mbylljen e procedurave te falimentimit te subjektit huamarres "Global-Foods" ne administrim ne buletin zyrtar te njoftimeve publike.
5. Urdhërohet publikimi i këtij vendimi, ne Qendrën Kombëtare të Biznesit, në adresën zyrtare në internet të këtij institucioni, në adresën zyrtare në internet të Gjykatës së Rrethit Gjyqësor Tiranë dhe te Drejtorise se Pergjithshme te Tatimeve.
6. Nje kopje e vendimit per mbylljen e procedures se falimentimit te subjektit huamarres "Global-Foods" ne administrim t'i dergohet Qendres Kombetare te Biznesit.
7. Nje kopje e vendimit per mbylljen e procedures se falimentimit te subjektit huamarres "Global-Foods" ne administrim t'i dergohet Drejtorise se Pergjithshme te Tatimeve si dhe Drejtorise Rajonale Tatimore Tirane.
8. Urdherohet publikimi i vendimit per mbylljen e procedurave te falimentimit te subjektit huamarres "Global-Foods" ne administrim ne faqen zyrtare te internetit te Gjykates se Rrethit Gjyqesor Tirane.
9. Shpenzimet gjyqesore sipas ligjit per falimentin.
10. Kunder këtij vendimi lejohet ankim i veçantë ne Gjykatën e Apelit Tirane brenda 5 diteve, afat ky qe fillon nga e nesermja e njoftimit te këtij vendimit.
11. U shpall sot me dt 27. 11. 2018 Tirane.

SEKRETARE

LUSJANA FEZOLLARI



GJYQTAR

ERVIN POLLOZHANI

